

北京圖書館 編

北京圖書館藏珍本
年譜
叢刊



第 94 冊


北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 94 冊



第九十四冊目錄

先水部公年譜清乾隆六年至卷末	一
尹健餘先生年譜	一〇一
顏李學派的程廷祚	二四一
厲樊榭先生年譜	二九九
雙池先生年譜卷首至卷三	三七五

六年辛酉先大夫年五十三歲

土城種桃柳 城外向有土城荒艸寒蕪了

無佳趣先大夫思種樹得養人術植桃柳各

千樹於其上方春嫩綠舒條小桃綴萼閒駐

吟騎首唱四絕於是江浙名流如朱漢源呈

渚李碩夫果朱艸衣并王竹堂德普無不倚

和未幾傳入春明館閣諸公如李實君日華

萬星期松齡張南華鵬翀杭莖浦世駿鄒慎

齋升恒沈樹園廷芳諸先生以先大夫舊好

亦爭寄和章他如本邑則有栢太史謙袁侍
御銑張中翰濟楊明府遇春家從則有慕迂
焯西峰葵漢槎飛鵬北源逢辰以至儒將衲
子無不投詩桃柳吟箋遂為藝苑口實矣士
杰積成帙呈楊夫子繩武為序序以比召伯
之崇相戒剪伐焉維時士杰亦有步韻八首
謬為袁明府枚所賞和章有雛鳳吟成語更
新句先大夫嘗向士杰誦之以勗進業
附詩并序絳衣玄露花開玉嶺之桃翠帶籠

烟影拂章臺之柳憶河陽於往日縣滿穠芳
懷彭澤之高風門餘碧蔭由來韵事遍有新
詞維此崇川越居海國本聚沙而成邑爰築
堵以為城水抱長堤絕鮮陰陰古木艸生荒
徑何來灼灼名葩思賞勝以尋詩徒臨春而
簇興某也自慙匏繫難言撫字頻勞未脫梅
酸竊喜簿書偶暇因環百雉交種千株栽綃
剪錦奚殊芳美亭前拂馬藏鴉不數靈和殿
裡欲使紅香繞郭村不驚危行看綠汁彈衣

人多題雁敢謂謀百年之植愛比甘棠庶幾
留異日之情望同春樹

好事還同石曼卿周遭更慙亞夫營從教海
國添園畫坏土城今作錦城一煙描淺黛絲
絲綠水映濃妝面面紅鶯語清揚花氣暖茅
簷無處不春風二挿柳栽桃趁早春層霄雨
露霏香新瀛洲本是神仙窟那有尋常問渡
人三豈為嬉春謀種植敢云為政逞風流吟
鞍小駐還餘思他日成陰可憶不四

附士杰作竹閣蕭々伴墨卿落梅深处撫
修營放衙自下移春牒翠影霞光欲壓城
一一簇旗亭四望中半波瑟瑟半波紅鞭
絲帽影人初醉拂面偏宜少女風二信入
江南鳥喚春詩情盡意一時新紫桑老去
河陽遠不見翻令恨古人三漪簾風動弄
春柔門外平潮滑笏流添得漁舸數聲笛
行人猶憶六橋不四

出郭問渡
感懷疊韻

三徑何須問蔣卿
花開盈縣柳

分營鴨頭雁齒尋常道酒幟新看颺子城
一誰家玉面勒花驄望裡危樓拂袖紅聽
罷鶯簧移步嬾嫩香微度一絲風二拚却
榆錢為買春癸枝垂水門粧新吟成細雨
斜陽外遠浦舟迴射鴨人三落魄江湖汗
漫遊半帆婀娜信南流柔枝搖恨花含淚
一種多情忍別不四

秋奉聘入闈是科得正榜七人無錫張望
衡江寧周際昌廬江許其達潛山葛高道宣

城蔡錦時甘泉李志然江寧王琮又副榜二
人合肥李晟常熟王湘時三試為臨川李公
緩錢塘金公德瑛李公該博尤重後場搜閱
殫心過勞致疾凡中式之策多商榷於先大
夫故篝燈校閱惓惓倍於午秋在闈與同考
金公鴻朱公元豐趙公錫禮欽公璉蘇公一
圻蔡公澍友好

縛首惡老施二等七人 崇明風氣刁悍六
七兩激離城稍遠名小梁山尤為荏蒲藪時

小被風災而先大夫在闔忽有老施二等倡
言抗租鳴金執幟脅聚數千人聲言於某日
入城吹唇涕地合邑震動總鎮張公天駿集
兵演武場馳馬耀甲為戰守備旋聞先大夫
歸邑人爭前迎曰公來民其蘇矣先大夫爰
單騎抵鷺安寺時禡民正烏合於內一見各
驚視環跪聽命先大夫乃開陳禍福剴切導
諭衆感而泣因各取刀挺私沒宵井甘自受
縛於是從容出片紙收渠魁七人而盡散脅

從令各歸業

罷增監竈 崇邑齟政額設八十六竈近又
立大使以統之國課漸裕矣兩浙運使忽有
增竈議邑紳士亦惑之先大夫曰增竈必增
課煎燒之戶大槩無賴窮民地既坍漲不常
設一旦洪波飄蕩已加之課不能開除招集
之民頓然失業能保其不擾害於一鄉一邑
乎議始息

七年壬戌先大夫年五十四歲

姦僧伏法 宴人侯懋福妻黃氏與僧顧文
姦懋福勿問也尋懋福怨其妻弟殿臣思以
死脅之會黃氏先通其表兄蔣元而為殿臣
所禁遂愆患懋福夜注殿臣服滿氏呼僧
偵其後未絕也僧急解腰帶斃之天明殿臣
至田突有屍認知懋福聞於氏并報縣先大
夫念殺人於已田愚者不為因詰殿臣爾報
姊姊何言曰姊無言亦不來也呼黃氏至色
聽之下疑益甚遂寘於獄而密訪婦所私或

以僧文告僧挾術嚴刑勿承乃齋禱於城隍
廟夜鞠之以朱書票付吏高呼候懋福進者
三忽旋風起廟燭盡滅而公案一燈獨明少
頃風定僧跪沙土中彷彿若有憑之者不假
刑而詞伏獄遂定

捍海議 是歲江南制府那公蘇圖奉調浙
閩時吾鄉大築海塘尖山壩已告成小壩旋
濬旋淤尚未能就仁和海寧交界處當事曾
請建大石塘旋以度支不給為慮先大夫素

明其利病因於送公時手上捍海議千餘言其略云自古規遠略者不較筭目前經費當為一勞永逸之計今建大石塘而忽減估從事不惟承脩不易恐將來補苴勞費終墮當宁南顧之憂更於動帑外請裁節冗負塘兵可省之餉以為有備無患之用一轉移間地方無閑散之兵以擾民塘工有積畜之項以禦患實簡便易行者也此議雖未見入然先大夫關心桑梓而籌畫精詳如此

復膏火田 學內向有膏火田久淪於海先
大夫請上官撥新漲高阜田四頃以資貧生
膳讀勒碑示遠

請置先賢有若守祠生 按郁氏家譜云先

賢有子立居曲阜後值曹魏之亂改有為郁
避金亂遷句容避元亂遷崇明立有家祠裔
孫郁瑚據譜請詳先大夫細攷羅泌路史鄭
樵通志氏族略及萬姓統譜諸書有氏加邑
為卩雖無確證然思先賢宜有後為據請於

上官置守祠生

陶軒雅集

陶軒者先大夫公餘文讌之地

也時吾鄉吳君

嗣廣施君謙查君岐昌馮君

浩暨儀徵陸君

端先後俱集值春夏之交庭

花攸目簷鳥弄聲先大夫開讌陶軒累日不

倦一夕微雨乍收餘霞成綺一盃方屬海月

騰空衆賓歡甚先大夫乃以四月清和雨乍

晴分韻詩不拘體先大夫拈得四字成五古

一篇士杰得晴字賦五律四首時陸太史樹